



Inatsisartunut ilaasortaq  
Malik Berthelsen  
Siumut

### § 36 malillugu apeqqummut nr. 2010-16 Grønlandsk skoleidræt-imut akissut

3. februar 2010  
Sagsnr. 2010-024961  
Dok. Nr. 304242

Naalakkersuisut meeqqat atuarfianni timersorneq pillugu apeqqutinnut ataani allasimasunut qujapput matumuunalu akissuteqassaanga.

Postboks 1029  
3900 Nuuk  
Tlf: +299 34 50 00  
Fax: +299 32 20 73  
Email: kiin@gh.gl  
www.nanoq.gl

1. **Meeqqat atuarfianni timersorneq pinngitsoorani atuartitsissutitut atuutilerteqqinnissaa Naalakkersuisut eqqarsaatiginerlugu?**
2. **Meeqqat atuarfiini atuartut peqqinnarnerusumik inuuneqalernissaanik timersornerulernissaannillu suliniuteqartup, "Grønlandsk skoleidræt"-ip, pilersaarutaa Naalakkersuisunit suleqataaffigineqarnissaa pilersaarutaanerluni?**

#### Apeqquummut 1-mut akissut:

Atuarfimmi fagit allat tamaasa assigalugit ilinniartitsissutissat "sumiiffinni qinigassiissutit" atuarneq tamakkerlugu pinngitsoorani ilinniartitsissutissaapput. (Takuuk Atuarfik pillugu peqqussummi nr. 8-mi, 21. maj 2002-meersumi § 9, imm. 1, pkt. 5.)

Tassa imaappoq Atuarfimmi atuartitsissutini atuartitsissutinilu qanitariissuni alloriarfiit siunertaat kiisalu atuartitsissutit siunertaat ilikkagassatullu anguniagassat pillugit Namminersornerullutik Oqartussat nalunaarutaanni nr. 16-imi, 24. juuni 2003-meersumi § 38, imm. 1-imi pingaarnertut taaneqartuni atuarfimmi trinini pingasuni tamani **atuartitsisoqartussaavoq**: Assassorneq ilusilersuinerlu, eqqumiitsuliorneq illussanillu titartaa-neq, **timersorneq silamiinnerlu** kiisalu nipilersorneq, erinarsorneq, timip aalatinnera isiginnaartitsinerlu.

Naak timersorneq peqqussummi immikkut taaneqanngikkaluartoq aamma peqqussummut nassuiaatini allassimavoq sumiiffinni qinigassiissutini atuartitsinikkut qularnaarneqassasoq "Atuartitsissutit sumiiffinni ataasiakkaani toqqagassat aqutigalugit qularnaarneqarpoq atuartitsissutini mernguernartuni tamatigoortumik atuartitsinnaaneq, atuartitsissutillu mernguernartut nalinginnaasumik paasineqartartut makkuusut timersorneq, erinarsorneq nipilersornerlu, mersorneq, sananeq iganerullu saniatigut allarpassuarnik ingerlatsiviusinnaapput soorlu makkuningga, isiginnaartitsineq, qitinneq, qalipaa-neq, assiliineq, tusagassiuutilerineq, sanalunneq, qaanniorneq qamusiornerlu, immakkut angalaarneq, aalisarneq piniarnerlu. Aammattaaq sumiiffinni toqqakkanut, atuartut ilikkagaqarniarnerannut ikorfartuutitut atuarfiup avataani atuartut ukiuinut naleqquttumik kulturimut, inooqatiginnermut inuutissarsiornermullu tunngasunik ingerlatsinerit atuartu-nit peqataaffigineqarneri, ilaatinneqarsinaapput".

Naak ilaat isumaqarsinnaagunaraluartut timersorneq atuarfimmi pinngitsoorani atuartit-sissutissaanngisoq kommunalbestyrelse pisussaavoq atuarfimmi siulersuisut sumiiffinni qinigassiissutinut ilikkagassatut siunnersuutaat akuerissallugit imaluunniit ilikkagassatut pilersaarutini ilitersuutaasut malissallugit.

Tamatuma saniatigut timersorneq silamiinnerlu aamma fagiulersimapput atuartut misilit-siffigisinnaasaat, atuarfimmi inaarutaasumik misilitsinnernut nammineq kissaateqarneq naapertorlugu.

**Apeqqummut 2-mut akissut:**

Inerisaavik atuarfik pillugu inatsimmi siunertaasunik piviusunngortitsinermik suliaqarfiu-soq Kim Godtfredsenimik aamma Grønlands skoleidræt看imik suleqateqalereerpoq. As-sersuutigalugu Inerisaavik timersornermik pikkorissartitsinissamik neqerooruteqarpoq Kim Godtfredsen pikkorissartitsisoralugu.

Inussiarnersumik inuulluaqqusilluta

Mimi Karlsen